

¡BOMBA!

Si declaras las trumpadas
más vale que ante un espejo
te des cuenta que hay un dejo
de darte a ti cachetadas




K'intsil

Miércoles 5 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2431 · www.lajornadamaya.mx

Jsa'at u kuxtal Arnulfo Aquino, máax táak'muk't político its'at yéetel naats' yanchaj ti' u kaaj



Jgrabador, diseñador yéetel ka'ansaj Arnulfo Aquino Casas jkiim tu ja'atskab k'iinil le lunes máanika', tu kaajal San Francisco Tuxtla, Oaxaca, úuchik u ts'áak jump'éel infarto ti'. 82 u ja'abil ka'achij. Suunaj kajtal tu kaajal tu'ux tu jo'olbesaj meyaj Taller Recreación Gráfica, kúuchil tu káajsaj ti'al u meyajtik gráfica beyxan diseño yéetel táankelemono'ob táan u bin u kaambalo'ob ka'achij.

Ichil uláak' ba'alo'obe, Aquino Casase' k'ajóolta'ab tumen táakpaj Grupo Mira, ichil u ja'abil 1977 tak

1982, meyaj yéetel uláak' artistas tu k'ubaj u yóolo'ob ti'al u ka' líik'siko'ob arte político ba'ale' náach ti' yáax jeets'el tuukulo'ob yaan, ikil u bin u mu'uk'ankúunsik u tuukulo'ob te'el k'iinako'obe.

Úuchik u kiimil Melecio Galváné, júub Grupo Mira, le beetik Aquino Cásese' tu líik'saj u archivosil le meyaj, ka'aj tu kaláanta'al u meyaj u yéet meyaj. Tu ja'abil 2002e', tu táan u yéet meyajob Mirae', tu k'ubaj u meyaj Melecio Galván ti' u paalil, Amaranta Galván.

Arnulfoe' tu meyajtik linóleo, xilografía, serigrafía, litografía, offset, fotocopia, heliografía, estencil yéetel inyección de tinta. Leit'e' juntúul máak tu chiikbesaj u meyajil gráfica te'el k'iino'oba' tu noj lu'umil México, tu'ux ku xa'ak'tik bix suuka'an u beeta'al meyajob yéetel túumben nu'ukulo'ob.

Xoknaj Escuela Nacional de Artes Plásticas (ENAP), k'ajóolta'an bejla'a' beey Facultad de Artes y Diseño, ti' u noj najil xook Universidad Nacional Autónoma de México, te'el xan tu xokaj u maestríail.

Aquino Casas sij tu k'iinil 18 ti' julio ti' u ja'abil 1942, tu kaajil Nochixtlán, Oaxaca. Ka'alikil táaka'an ich Grupo Mirae' tu beetaj Comunicado gráfico sobre la violencia en la Ciudad de México yéetel u áanalte'il La gráfica del 68: Homenaje al movimiento estudiantil, Grupo Mira; Imágenes y símbolos del 68; Melecio Galván: La ternura, la violencia; Imágenes épicas en el México contemporáneo, e Imágenes de rebelión y resistencia: Oaxaca 2006, ichil uláak' ya'abach meyajob tu beetaj.